

Элстин дружинникүдин үүлдвр

Амтн көдлмшән төгсәнә. Мана хот балгъсиг сөөггын харнъгъу бүрнә. Уульнар адгълдсн амтн үзгднә: зәрмн көдлмшәсн хәрдж йовх, зәрмн асхнд ордг школд оч йовх, зәрмн шин кинофильм хәләхәр йовх, зәрмн хот уухар йовх.

Элстин автобусн станцин өөр хоёр баахн күн зөгсджана. Теднә гарарн заалад, чанъгъ-чанъгъар күүнджәх бәәдләр болхла, му биш, «тавта» болчксн залусн ил медгднә. Теднәс негн, арсн пальтотань, наадк-ан клубт иим бәәдлтә одхм биш гидж әвджәнә. Хойрдгчн толгъагъан заалад, зөвтә болджахмн уга:

— Уга, одхмн, оч бийлхмн. Бидн күн биш? — гидж келәд, әвджәсн үүрән чирәд бәәнә.

Уга, одхмн биш. Тенд ола амтнә дружинникүд йовцхана. Теднә харгъхла, манас ял авх, терүнәсн давхла, көдлжәсн газрур бичг илгәх. Автобусет суудж авад, хәрсн чик болх — гидж әвджәсн келнә.

— Альдас чи теднә тускар меднә?

— Гавроша, газет умшх кергтә. Теднә тускар газет болгънд бичнәлм.

Бичкнәр әрк уусн үүрнә газет умшг болсар, ола диг-дара харлгъна дружинникүд Элстин гостинцин өөрәгъәр, тосхачнрин клубин өөрәгъәр йовдгн медг бәәдж. Тегәд тер хоёр үр автобусет суугъад хәрцхәв.

Болв теднәс өвәрцәр бийсән бәрсн үүрмүд үзгдв. Теди ийм улс: электро-станцин механик — Алкацев К. И., электрик Дорджиев М. С. болн моторист — Магнеев Ю. К. Эди «Элиста» гидг гостиницд соктлән әрк уугъад, бузр үг келәд, бийсән ик муугъар бәрцхәв. Ола дружинникүдин әвд тедн ордж өгл уга бәәхлә, балгъсна милицин отдел вьд тер гурвн «үүриг» авч одв.

Октябрин 11-д кесн сокту улс, теди дунд, өдмг болгъд заводин ачлгъ ачд Корнеев К. Б., терүнә дү

Корнеев Б. Б. болн Шарклев М. Н. ола диг-дара әвдәд, бузр үг келәд, ола дружинникүд — Шихановла болн Мушановла ноолдхар гүүлдв. Күүнә әвд орл уга, азллгън давад бәәхлә, тер гурвиг милицд күргв. Теднә хойрнә ода, ола диг-дара әвдсн улс болад, 74 статьягъар гемшәгдджәнә.

Ола күч-көксчнрин сән дурар бүрдәгдсн, ола диг-дара харлгъна дружинникүдин зергләнд балгъсна болн селәнә сән гисн улс орлцджана.

Н. С. Хрущев партин XXI хург дегер келсн докладтан эн әклицг ик сән севдәр гидж келсн мөн.

Элстин дружинникүдин зергләнд, Элстин күңәгч комитетин депутат Шалхакова бәәнә. Ур Шалхакова нальн өөдән болв чигн, үлгүр болдж, эн күндтә кергт орлцджана.

Балгъсна гүүлгәнә цергләч үр Цорджиевад дружинә көдлмшт сәәнәр орлцг төләдн, мана республикин дотр-дундин министерств ханлт өргәд, мөнъгәр мөрә өгв. Чолуч Сарановад (СУ-3) бас ханлт өргв, мөнъгәр мөрә өгв.

КПСС-н балгъсна комитетин болн балгъсна күңәгч комитетин Күндтә грамот ола амтнә дружина ахлачирт — Богун болн Карнаухов хоёрт өгв. Дружинник Мушановд министр ханлт өргәд, мөнъгәр мөрә өгв.

Дружинникүдин отрядмудиг бүрдәснә дарунь тедниг сургъвдн. Милиц-

ин цергләчнр дружинникүд дунд доклад кев, тедн зөв-йосинь, ямаран әв-аргъар көдлхинь цәәлгъдж өгв. Ода мана дружинникүд әврәнн кергән медцхәнә. Балгъсна ола амтнә дружинникүдин штабин начальник КПСС-н балгъсна комитетин селгәтр үр Әрдиев болн терүнә дарук үр Велико-Зять хара биш күүндвр болн докладмуд «Буратицкий» совхозд, Сталинә пертә колхозд, «15 лет ВЛКСМ» гидг санаторт кецхәв.

Дружин гарснас нааран, балгъснд ола диг-даран ясрдж одв. 1958 дж-ил, 9 сарин дунд 37 ола диг-дара әвдлгън гарсн болхла, ода зуг 12, административн засгла 147 күн харгъв. Балгъснд ола диг-дарана бәәдл ясрв.

Г. ВАСИЛЬЕВ.



«Әрк уучкад, газә гархла —
Амшг дала болдж одв.
Азд-аля гаргън гихлә,
Авад, комсомольчнр суулгъчкдг
болв».